

ՀԱՇՎԵՏՎՈՒԹՅՈՒՆ

ՀՀ ֆինանսների նախարարության ֆինանսաբյուջետային վերահսկողության վարչության փորձագետ Վարուժան Բադանյանի

Ես՝ Վարուժան Բադանյանս, ՀՀ ֆինանսների նախարարության ֆինանսաբյուջետային վերահսկողության վարչությունում որպես փորձագետ աշխատում եմ 2020թ. փետրվարի 11-ից (2020թ. փետրվարի 10-ին կնքված N 8 պայմանագրի համաձայն):

2020թ. փետրվարի 11-ից մինչև օգոստոսի 11-ը ներառյալ ընկած ժամանակահատվածում իրականացրել եմ հետևյալ աշխատանքները.

1. Հայաստանի Հանրապետության պետական բյուջեի կատարման հսկողության 2020թ. տարեկան ծրագրի հիմքում ծրագրային բյուջետավորմանը համապատասխան ստուգումներ իրականացնելու սկզբունքի ներդրման նպատակով վարչության առանձին աշխատակիցների մասնակցությամբ մշակել եմ «Ֆինանսաբյուջետային վերահսկողության վարչության կողմից կատարվող ստուգումների գծով քայլերի իրականացման» ուղեցույց, որի կիրառումը հնարավորություն կտա նախապես (մինչև ստուգումը սկսելը) պարզել ռիսկային չափանիշների գծով առկա անճշտությունները և անհամապատասխանությունները և դրանց հիման վրա կազմակերպել ստուգման հարցաշարարի (ծրագրերի) կազմման աշխատանքները՝ հաշվի առնելով ստուգվող ծրագրի կամ միջոցառման ոլորտը և առանձնահատկությունները:

2. Կազմել եմ «Կազմակերպությունների (բաժնետիրական ընկերություններ և պետական ոչ առևտրային կազմակերպություններ) ֆինանսատնտեսական գործունեության ստուգման» տիպային ծրագիր, որը հիմք կհանդիսանա ռիսկային համարված միջոցառման կամ ծրագրի ստուգման հարցաշարերի կազմման աշխատանքները կազմակերպելու համար՝ հաշվի առնելով վերջիններիս ոլորտը և առանձնահատկությունները:

3. Կազմակերպել եմ Հայաստանի Հանրապետության պետական բյուջեից տրամադրված միջոցների նկատմամբ ֆինանսական, այդ թվում՝ Հայաստանի Հանրապետության վարչապետի և նախարարի հանձնարարականների հիման վրա իրականացվող ստուգումների իրականացման համար անհրաժեշտ հարցաշարերի (ծրագրերի) մշակման աշխատանքները և ստուգումների ընթացքում առաջացած առանձին հարցերի գծով տվել համապատասխան խորհրդատվություն և ցուցաբերել մեթոդական և գործնական օժանդակություն:


4. Հավաքագրել, վերլուծել և համապատասխան տեղեկատվություն եմ ներկայացրել ՀՀ ֆինանսների նախարարության ֆինանսաբյուջետային վերահսկողության վարչության (նախկինում՝ Տեսչության) կողմից 2015-2019թթ. ընթացքում իրականացված ստուգումներով արձանագրված, սակայն կազմակերպությունների կողմից ամբողջությամբ չվերականգնված գումարների վերաբերյալ (2020թ. մայիսի 25-ի դրությամբ): Ներկայացրել ստուգմամբ արձանագրված գումարների վերականգնման նպատակով վարչության կողմից ՀՀ օրենսդրությամբ իրեն ընձեռնված հնարավորությունների (գործիքակազմի) կիրառման արդյունքները, ինչպես նաև ստուգված առանձին կազմակերպությունների կողմից լրացված գումարները չվերականգնելու պատճառները:

5. Գործուն մասնակցություն եմ ունեցել «Հայաստանի Հանրապետության պետական բյուջեի կատարման նկատմամբ հսկողության 2019 թվականի տարեկան արդյունքների վերաբերյալ հաշվետվությանը հավանություն տալու մասին» ՀՀ կառավարության որոշման նախագծի և «Հայաստանի Հանրապետության ֆինանսների նախարարության կողմից 2019թվականին Հայաստանի Հանրապետության պետական բյուջեի կատարման հսկողության արդյունքների վերաբերյալ» հաշվետվության կազմման աշխատանքներին:

6. Վարչության պետի հանձնարարությամբ.

- Մշակել եմ «Հայաստանի Հանրապետության ֆինանսների նախարարության ֆինանսաբյուջետային վերահսկողության վարչության գործերի (փաստաթղթերի) հաշվառման և պահպանման» կարգի վերաբերյալ ներքին իրավական ակտի նախագիծը:
- Մշակել եմ «ՀՀ ֆինանսների նախարարության ֆինանսաբյուջետային վերահսկողության վարչության կողմից իրականացվող ստուգումների հանձնարարագրերի կազմման, հաշվառման և պահպանման» կարգի վերաբերյալ ներքին իրավական ակտի նախագիծը:
- Հաշվետու ժամանակահատվածում գործուն մասնակցություն եմ ունեցել Վարչության ընթացիկ գործունեության հետ կապված ՀՀ ֆինանսների նախարարի հանձնարարականների, իրավապահ մարմինների կողմից «մասնագիտական ստուգում նշանակելու մասին» կայացրած որոշումների կատարման հետ կապված առաջարկությունների մշակման, ինչպես նաև Վարչության ընթացիկ գործունեության հետ կապված այլ հանձնարարականների կատարման աշխատանքներին և առանձին հարցերի գծով ցուցաբերել մեթոդական և գործնական օժանդակություն:
- Ապահովել եմ վարչության պետի կողմից տրված ընթացիկ հանձնարարականների կատարումը:

Ֆինանսաբյուջետային վերահսկողության
վարչության փորձագետ



Վարուժան Բադանյան

14.08.2020թ.